

author: Giraud, Edoardo  
title: El portinar : commedia in un atto  
shelfmark: COLL.IT.0008/0015/10  
library: Biblioteca nazionale Braidense - Milano - IT-MI0185  
identifier: CUB0315041

Le riproduzioni digitali accessibili dalla Biblioteca digitale italiana di [www.internetculturale.it](http://www.internetculturale.it) sono per la maggior parte di dominio pubblico, e provengono dalle attività di digitalizzazione realizzate dalle biblioteche che possiedono gli originali e la proprietà delle riproduzioni digitali, e sono istituzioni partner del portale.

La riutilizzazione non commerciale è libera e gratuita nel rispetto della normativa vigente.

Ai fini della riutilizzazione commerciale e/o per ottenere un documento ad alta definizione contattare il detentore dei diritti del bene digitale utilizzando nel Download del documento, il contatto di posta elettronica.

Gli utilizzatori finali dei beni digitali, sia che riproducano parzialmente o completamente le immagini, dovranno sempre e comunque citare la fonte [www.internetculturale.it](http://www.internetculturale.it)

.....

The digital reproductions accessible from the Italian Digital Library [www.internetculturale.it](http://www.internetculturale.it) are mostly of public domain, and come from the digitization activities carried out by the libraries that own the originals and are ownership of digital reproductions, and are Institutions partner of the portal.

The non-commercial re-use is free in accordance with the local regulations.

To allow commercial reuse and/or to obtain a high-definition document please, contact the copyright holder of the digital object using the contact e-mail you can find in the Download of the document.

The terms of use of the Internet Culturale material states that the final users that reproduce images or part of them must mention the source [www.internetculturale.it](http://www.internetculturale.it)

MILANO  
COPIA D'OBBLIGO  
PER LA BIBLIOTECA

REPERTORIO  
DEL  
TEATRO MILANESE

EL PORTINAR

COMMEDIA IN UN ATTO  
DI  
EDOARDO GIRAUD

MILANO  
CARLO BARBINI EDITORE  
Via Chiaravalle, 9

Fasc. 147

Prezzo Cent. 35

CARLO BARBINI  
LIBRAIO-EDITORE  
MILANO - Via Chiaravalle

The image shows the title page of a theatrical repertoire book. The page is framed by an ornate, decorative border with scrollwork and floral motifs. At the top center, the text reads "REPERTORIO DEL TEATRO MILANESE". Below this, the title "EL PORTINAR" is prominently displayed, followed by "COMMEDIA IN UN ATTO" and "DI EDOARDO GIRAUD". The publisher's information, "MILANO CARLO BARBINI EDITORE Via Chiaravalle, 9", is located at the bottom center. A small box at the bottom of the frame contains "Fasc. 147". The price "Prezzo Cent. 35" is printed at the very bottom. In the top right corner, there is a circular library stamp that reads "MILANO COPIA D'OBBLIGO PER LA BIBLIOTECA". A diagonal watermark or stamp reading "CARLO BARBINI LIBRAIO-EDITORE MILANO - Via Chiaravalle" is also visible across the lower right portion of the page.

www.internetculturale.it

REPERTORIO DEL TEATRO MILANESE

---

**Fascicolo 147.º**

[www.internetculturale.it](http://www.internetculturale.it)

EL PORTINAR

10

# EL PORTINAR

COMEDIA IN UN ATTO

DI

**EDOARDO GIRAUD**



CB

CARLO BARBINI  
LIBRAIO-EDITORE  
MILANO - Via Chiaravalle, 9

MILANO

PRESSO **Carlo Barbini**, LIB.-EDIT.  
Via Chiaravalle, 9  
1886

✓

ER

Questa produzione è posta, per quanto riguarda  
la stampa, sotto la salvaguardia della legge 25 giu-  
gno 1865, N. 2337, quale proprietà dell'editore

**Carlo Barbini.**

---

*Tutti i diritti riservati*

---

---

Tip. A. Guerra.

## PERSONAGGI

---

LUIS, portinar.

EUGENI.

EMANUELE.

GIROLA.

ERNESTA (*figlia di Emanuele*).

ADELINA.

1.° Signore.

2.° Signore.

On portaletter.

Marietta, serva.

Teresa, serva.

Ona Vesina.

## ATTO UNICO

---

Portineria con invetriata — a sinistra passaggio della porta alla corte e scala. — Scala rustica a destra che mette a un mezzanino come quelli che si vedono di solito nelle portinarie. — Camino rustico — cardenza, cumò, tavolo, attrezzi da cucina — lampada sul camino — calamajo, libro da scrivere i nomi — tabella degli inquilini.

### SCENA PRIMA.

**Luis, indi Girola** (*Luis che spazzola i vestiti*).

Luis.

Dove l'è andaa a tœu tanti magg? Stii giovinotti gh'han propi minga de cura, van in di caffè de chì e de là, stan mai attent dove metten i brasc, i gamb; guarda chì come l'è consciada, ona stoffa insci bella!

GIROLA.

Ei Luis, Luis. (*di dentro*)

Luis.

Gh'è chi el padron, a la vòs el me par dannaa.

GIROLA.

L'è on'ora ch'el ciami.

LUIS.

Hoo minga sentuu, s'era adree a nettagh i vestii del sur Eugeni.

GIROLA.

El sur Eugeni, el sur Eugeni, lù nol gh'ha alter in bocca ch'el sur Eugeni.

LUIS.

L'è natural. *(tra sè)*

GIROLA.

I alter inquilin l'è come se ghe fussen nanca, semper el sur Eugeni.

LUIS.

Ch'el scusa sur padron, el gh'ha forse quejcosa de rimproveramm?

GIROLA.

Sigura — comenciemm a di ch'el leva su tropp tard, la porta vuj che la sia averta ai 6 e minga ai 6 1/2; per bacco sta mattina è vegnuu el latte e l'ha dovu tornà indree perchè la porta l'era sarada su.

LUIS.

L'è staa ona combinazion sta mattina, perchè m'è tocca de sta su tard finna passa i do òr per curà quell pover diavol del quint pian ch'el gh'ha nè fioeu, nè cagnœu.

GIROLA.

Bella scusa! lù el sò mestee l'è de fa el portinar e minga l'infermee; el saria molto mej che quell dessora el me pagass el fitt, invece de vess ammalaa.

LUIS.

Ch'el gh'abbia pazienza; pover diavol, el gh'ha nanca assee de tœu i medesinn; el vedarà che quand el sarà guarii le pagarà, l'è on galantomm.

GIROLA.

Si, si, vedaremm. E i scal perchè hin ancamò de scovà? Hin lì tutt sporch che metten schivi.

LUIS.

S'era adree andà adess.

GIROLA.

Adess! adess! adess l'era adree a spazzettagh i vestii del sur Eugeni che già el sarà in lett ancamò in del primm sogn, perchè l'hoo sentuu stanott tard ch'el sbatteva la porta quand l'è vegnuu a casa; el gh'ha nissun riguard per quij che dorma. El sarà magara staa ciocch....

LUIS.

El sarà staa on alter del sicur, perchè el sur Eugeni l'è vegnuu a casa a mezzanott, tutt'al pu saran staa on dodes e mezza.



GIROLA.

E dai lù el vœur semper difend on cattiv soggett de stagh alla larga.

LUIS.

On cattiv soggett! (*reprimendo la rabbia*) no, sur padron, ch'el creda che lù l'è in error.

SCENA II.

Conte **Emanuele** e detti.

EMANUELE.

El sta chi de casa on certo sur Eugeni? (*furioso*)

LUIS.

Si, signore.

EMANUELE.

Benone! L'è in casa?

LUIS.

No l'è minga in casa. (El m'ha raccomandaa de dessedal minga finna ai 10)

EMANUELE.

Allora tornaroo.

LUIS.

Ch'el scusa, chi l'è che hoo de digh...

EMANUELE.

L'è inutil; el sa press a pocch a che ora se podarà trovall?

LUIS.

El soo no, el gh'ha minga d'ora fissa.

EMANUELE.

Va ben, va ben, hoo capii; oh ma mi el trovaroo el fuss anca all'inferno; do, tre, quatter, vint volt tornaroo chi. Addio (*via*).

LUIS.

Bon viagg.

GIROLA.

Ecco cosse ghe diseva mi — ona quaj balossada che l'ha faa.

LUIS.

Che balossada el vœur che l'abbia faa?

GIROLA.

Pocch ciaccier, el vœur scommett che quell li l'è vun che vanza...

LUIS.

Vun che vanza l'è impossibil, perchè el sur Eugeni l'è on pagador de prima forza.

GIROLA.

Allora perchè el me paga minga el fitt?

LUIS.

Com'è l'ha minga pagà el fitt?

GIROLA.

Se le sa no, gh'el disi mi.

LUIS.

(L'ha minga pagaa el fitt!) Oh! ma che bestia! si-  
gura el gh'ha reson, me s'era dimenticaa de di-  
ghel — mi ha daa a mi jer i 100 franch del fitt;  
e guarda a momenti a momenti per mia colpa  
el faseva la figura del mal paga; quand se dis  
di volt! Ecco — eccoi chi i so danee, ch'el scusa,  
vedel, l'è staa propi perchè mi me rigordava pu;  
ecco 100 franch tutt in argent; che je cunta se  
van ben.

GIROLA.

Ben, allora parola torna indree; (*dopo averli contati*)  
van ben, van ben, i cunti nanca. Allora ch'el passa  
dessora on quaj moment che ghe daroo la ricevuda.

## SCENA III.

**1.° Signore e detti.**

1.° SIGNORE.

Come stà el sur marches?

LUIS.

El stà on poo mej.

1.° SIGNORE.

Se po andà a trovall inccœu?

LUIS.

Ch'el vaga pur dessora...

1.° SIGNORE.

E pœu no, l'è mej che lassa el mè nomm.

LUIS.

Allora che le scriva li sulla lista. (*eseguisce e via*)

GIROLA.

A proposit el stà mej, eh?

LUIS.

Alter che mej, l'è stada ona malattietta de nient...  
la faa mœuv tutt i dottor de Milan — coss'el  
vœur di a stoo mond, chi tropp e chi nagott. E  
quell pover disg...

GIROLA.

Spetta che magari ghe metti el mè nomm anca  
mi sulla lista (*eseguisce*). Pover diavol, me saria  
rinressu che la fuss stada ona robba seria.

LUIS.

Per el fitt ch'el paga.

GIROLA.

Eh?

LUIS.

Nient, — hoo ditt, — sicura.

GIROLA.

Donca semm intes, — addio. *(via)*

LUIS.

Stemegna d'on omm! *(gli fa un segno come di dargli un pugno)* Cattiv soggett el mè Eugeni! On ficeu che appena vedell bisogna voregh ben. Adess che ghe pensi e i 100 franch che gh'aveva promiss de dagh sta mattina? Come faroo adess che i hoo dovrà de pagagh el fitt al padron de cà? E ghi aveva de bisogn propi sta mattina. Dove hoo de andà a tœuj, gh'hoo nanca pu nient de mett in bè... Come l'è stada mo che l'ha minga pagaa el fitt? Vedemm on poo in del cassetton. El mè vestii de la festa! Me dan nanca 10 lira! E già sti cent franch bisogna trovai; pover orologg, povera cadenella de la toa povera mamma, de la mia povera defunta, do reliqui, tutt quell che me resta de lee bisognerà vendi. Ma perchè mo l'ha minga pagaa el fitt? Ah! adess quand el ven bisogna che ghe cria.

SCENA IV.

**Teresa e detto.**

TERESA.

*(Entra con secchio parla e via)* Faga piase tegnimmm chi el sidell intanta che voo in del cervellee.

SCENA V.

**Eugeni e detto.**

EUGENI.

Te se chi, Luis.

LUIS.

*(Da sè)* Eccol chi, come l'è bell stamattina, e di che sont staa mi... — Oh bravo Eugeni te vegnet a proposit, s'era adree a portat su i to vestii e pœu anca per ditt ona robba.

EUGENI.

Che robba!

LUIS.

Per fatt on poo de predichina.

EUGENI.

Forse perchè sta nott sont vegnuu a casa ai 3 ór?

LUIS.

No, l'è minga per quell... e pœu si anca per quell, l'è minga on poo tropp tard de sta attorna? te ghe minga paura che te succeda quejcosa? se te saltassen?

EUGENI.

Ghe ciaparissen pocch gust cert; i lader san con chi gh'han a che fa quand vun el gh'ha i saccoce vœui.

LUIS.

Ecco te see in bolletta, pareva ch'el savess; a proposit guarda ch'el padron de cà...

EUGENI.

El sarà vegnuu a lamentass, già...

LUIS.

Sigura, siccome te see restaa indree del fitt del trimester...

EUGENI.

E ben, e insci el po no spettà on poo, avaron che l'è; el gh'ha propi bisogn de mett su el caldar con quij danee, on omm che l'è padron de 7 o 8 cà

LUIS.

L'è minga quell, el fitt l'è la prima robba de pagà.

EUGENI.

El soo ancami... quand se po, ma quand se po no? stoo mes gh'hoo avuu di spes... Insomma s'el ven ancambò digh che per el moment poss no, che quando non ghe n'è, quare conturbas mè.

LUIS.

Oh si l'hoo giamò bell'e pagaa. Gh'aveva chi quij tai cent franch e ghi hoo daa.

EUGENI.

Quij cent franch che te dovevet damm sta mattina?

LUIS.

Sì, quij là.

EUGENI.

Adess stoo fresch, adess sont consciaa per i fest; mi che cuntava su quij danee come la manna, on debit d'onor, on debit sacro...

LUIS.

On debit sacro, pover Eugeni, e mi chè voreva criat adree. Ah! che bestia che sont staa...

EUGENI.

Ah! Luis m'el spettava no stoo tratto; adess come foo mi, sont bell'e rovinaa.

LUIS.

E mi bestia, imbecille, voo a daghi al padron de

cà; asen, asen che sont staa. Ah! ma hoo faa el maa, faroo anca la penitenza. Spetta on moment, voo e vegni, e i danee ghe saran; femm anca stoo ultim sacrificzi.

EUGENI.

Oh, el mè car papà!

LUIS.

Silenzi tas, ciamem minga papà; col to talent col to spirit, colla toa educazion, se savessen che te set fioeu d'on portinar, te set no el dann che te faria? Adess voo dessora in la pettenadora a digh de vegni de bass on moment a curà la porta.

EUGENI.

L'è inutil, stoo chi mi a curà la porta per on quart d'ora; bella robba.

LUIS.

No, no, te se matt, on fioeu come ti sta chi a curà la porta! no permettaroo mai.

EUGENI.

Oh bella robba, te supplissi ti.

LUIS.

(*Da sè*) Che tesor d'on fioeu! allora voo. Come l'è democratich, el gh'ha minga vergogna de fà el mestee de so pader. - On quart d'ora e sont indree.

EUGENI.

Almen el me fass aspettà propi appenna on quart

d'ora! Baloss d'on destin, semper contrari, mai ona volta che la me disa la fortuna. Perd semper al giceugh e de sòra maross ona spina al cœur che me lassa quiett nanca on moment. Sta nott hoo mai poduu sarà on œucc; se el pader dell'Ernesta che l'è on omm così fiero della soa nobiltaa e della soa posizion el vegniss a savè che sont el moròs de soa tosa e che...

SCENA VI.

**Adelina e detto.**

ADELINA.

El sur Eugeni l'è in casa? Oh te'l chi.

EUGENI.

Ghe sont.

ADELINA.

Come l'è sta scenna? Credeva che te fusset malaa e s'era vegnuda a trovat... te se ricordet che jer quand te set andaa via te me ditt che te faseva mal la testa?...

EUGENI.

M'è passaa, grazie, stoo ben.

ADELINA.

Andemm dessora; cosse te fet chi?...

EUGENI.

Poss no, spetti ona persona.

ADELINA.

In portineria? Bell sit per ricev la gent!

EUGENI.

Per on moment sol, siccome l'è per ona risposta...

ADELINA.

L'è perchè mi gh'aveva bisogn de parlatt d'on affare....

## SCENA VII.

**2.º Signore e detti.**

2.º SIGNORE.

Gh'è notizzi del sur marches?

EUGENI.

Che marches?

2.º SIGNORE.

El marches Dindi che l'è malaa.

EUGENI.

Ah vedi, ch'el guarda che li sulla lista gh'è el bollettin del dottor.

2.º SIGNORE.

« Le unzioni fecero il suo effetto, potendo fare un bagno pericolo invasione scongiurato. » Bene, allora lassi stà de andà dessora. Scrivi el nomm e basta. Nuovamente.

EUGENI.

Riverisco. (*a Adele*) Che affare l'è?

ADELINA.

Nient... l'è che la sarta la m'ha portaa on vestii; e siccome la dis ch'el cunt l'è giamò gross, la vœur pu andà su, e se te me dasset on 200 franch te me fariet on piasè... ti restituissi alla fin del mes.

EUGENI.

El soo che te mi restituisset, ma te me ciappet in d'on brutt moment, gh'hoo avuu ona perdita forte sta nott e sont in bolletta ancami in d'ona manera...

ADELINA.

Me secca, minga per alter, perchè me toccarà de dipend del cont, e te set che ripugnanza gh'hoo mi a incontrà di obbligazion.

## SCENA VIII.

## 2.° Signore e detti.

2.° SIGNORE.

L'è minga lù el portinar?

EUGENI.

Fa nient, ch'el parla pur con mi...

2.° SIGNORE.

L'era per avisall che sta\_nott gh'è chi l'ortolan, de  
lassà avert la porta e avisà i vesin de tegni sa-  
raa i finester.

EUGENI.

Chi l'è sto ortolan?

2.° SIGNORE.

La banda del borg.

EUGENI.

Va ben, gh'el disaroo.

2.° SIGNORE.

El pover malaa com'el sta?

EUGENI.

Chi, el sur marches?

2.° SIGNORE

No, minga el marches, el muradòr, quell che stà al  
quint pian in di abbain che l'hoo portaa a cà mi  
dès di fa ch'el se coppaa mezz in del borla giò  
d'on pont.

EUGENI.

Ah! quell pover diavol! El sta minga tant ben, anzi  
se lù le conoss ch'el vaga dessora a trovall, el  
gh'ha mai su on can che ghe faga on poo de  
compagnia.

2.° SIGNORE

Magari, ma mi gh'hoo minga temp, se le ved che  
me le saluda. Staga ben. (*Via*)

ADELINA.

Ma te see che te me piaset a fa el portinar.

EUGENI.

Han propi de vegnì tucc adess.

ADELINA.

Ben donca niente.

EUGENI.

Me rincress tant, cara la mia Adelina, sarà per  
on'altra volta. Scusa.

ADELINA.

Ciao. Me tocarà propi andà in del cont. Se te sa-

vesset come me dispias, ma come si fà. Ciao, nen Eugeni.

EUGENI.

Addio stella.

ADELINA.

Te me fet no on basin. Sont minga in collera veh!

EUGENI.

Chi in portineria?...

ADELINA.

Gh'è nissun.

EUGENI.

*(Si fanno il bacio, in quel mentre passa una Serva che vedendo si mette a cantare).*

SCENA IX.

**Morietta, serva e detti.**

SERVA.

*(cantando)* Un bacio rendimi. *(via)*

EUGENI.

Te vedet che figur!

ADELINA.

La me conoss nanca, ciao. *(via)*

SCENA X.

**Luis e detto.**

EUGENI.

Ghe voreva anca quella lì, la pò spettà on bell pezz!

LUIS.

Ah! sont chi, te vedet che hoo faa prest.

EUGENI.

Te ghe i cent franch?

LUIS.

Si, e propi tutt in mareng.

EUGENI.

Oh bravo papà. *(gli fa segno di tacere)* Luis...

LUIS.

Tè *(gli dà i denari)*.

EUGENI.

Damm el vestii. *(leva la veste da camera e mette il vestito)*.

LUIS.

Spetta, spetta che te juti. *(eseguisce)* Come el sta ben, che bella figura ch'el gh'ha, chi l'è che di-



saria... lassa che te spazzetta on moment. (*eseguisce*)

EUGENI.

Oh sont nett, sont nett, grazie.

LUIS.

Ecco (*ponendo la spazzola*), el par on milord.

EUGENI.

Ciao, nen.

LUIS.

Ciao, (*abbassando la voce*) el mè car fiœu, divertet ben, ma cerca de vegnì a casa on poo pussee de bon'ora.

EUGENI.

Lassa fa, faroo el possibil. (*via*)

LUIS.

(*lo segue cogli occhi*) E adess andemm a scovà sti benedetti scal. (*prende la scopa*)

SCENA XI.

**Marietta, Serva e detto.**

SERVA.

(*passando*) Ei portinar, el sa che ora l'è?

LUIS.

(*fa per guardare l'orologio, non trovandolo più in tasca*) El soo no, me se fermaa l'orogg. Venduu, venduu, non gh'è pu de remission, l'era on debit d'onor... pensemegh pu. (*Marietta via*) Sura popola (*vedendo venire Ernesta*).

SCENA XII.

**Ernesta e detto.**

ERNESTA.

El sur Eugeni?

LUIS.

L'è on moment che l'è andaa fœura de cà.

ERNESTA.

Fœura de casa, el sa no a che ora el tornarà press a pocch; ch'el scusa, vedel, se l'incomodi.

LUIS.

Oh! nient, anzi come l'è graziosa! me rincress a dighel ma gh' hoo paura ch'el torna no finna a stasera.

ERNESTA.

Come son disgraziada. (*quasi piangendo*)

LUIS.

La gh'ha forse on quaj dispiasè, popola?

ERNESTA.

No, no.

LUIS.

Vedi che a momenti la piang; che la se comoda, la sarà minga ona poltrona degna de lee, ma tant de settass giò...

ERNESTA.

Ah! *(si siede e piange)*

LUIS.

Se di volt el tornass, che la me disa dove la sta de casa che...

ERNESTA.

De casa ghe n'hoo pù. *(piangendo)*

LUIS.

Ghe n'ha pù? ma com'è?

ERNESTA.

Vegneva in del sur Eugeni per cercagh on bus de mettom, perchè... Ma el sur Eugeni el gh'è no... e... *(stà per ritirarsi)*

LUIS.

No, no, che la vaga minga via, che la staga chi, che la se confida con mi, el sur Eugeni el me

vœur ben, mi el tegni come s'el fuss on fiœu; tutt quell ch'el podaria fa lù poss fall ancami; e pœu chissà di volt el podaria tornà da on moment all'alter.

ERNESTA.

No, coss'el vœur, sta lì a incomodass...

LUIS.

Incomodamm? ma tutt'alter, a stoo mond bisogna juttass. Che la disa l'è on pezz che le conoss el sur Eugeni?

ERNESTA.

S'el conossi, ma se l'è lù la causa de tutt i mè dispiasè.

LUIS.

Possibil!

ERNESTA.

L'è per lù che son stada cascada via dal mè papà.

LUIS.

De so papà!

ERNESTA.

L'è vegnuu a savè el mè amor, la mia relazion, e de la rabbia el m'ha cascias via.

LUIS.

E mi che credeva che no se trattass che d'on padron de cà, d'on fitt de pagà! Ah! ma che la se

quietta, popola, el sur Eugeni l'è on bravo giovin  
el gh'ha bon cœur el podarà riparà a tutto.

ERNESTA.

Chissà se le vorarà...

LUIS.

Com'è se le vorarà? sicura che le vorarà, e se le  
vorarà no, sacr... La ghe vœur ben donca tanto  
a stoo fiœu?...

ERNESTA.

Se ghe vuj ben! *(con espressione)*

LUIS.

Difatti già l'è on bell giovin, gh'è nient de di; vera  
che l'è on bell giovin? Oh mi l'è tanto temp ch'el  
conossi.

SCENA XIII.

**Portalettere e detti.**

PORTALETTERE.

*(Entra in fretta, mettendo giù tre lettere e un giornale, leggendo i rispettivi indirizzi)* Marchese Contini. Signor Grisanti luogotenente. Laura Magni. E on giornal per Don Giovann. *(via)*

ERNESTA.

El ghe vœur ben anca lù, vera?

LUIS.

Come se fà a voregh minga ben?

ERNESTA.

Ah! se gh'avess minga voruu el ben che vœuri,  
adess saria minga in stoo stât...

LUIS.

Ah! come?

ERNESTA.

*(abbassa gli occhi come per dire: sì sono gravida).*

LUIS.

Ah! Ma che la lassa fa de mi. Lee la lassa fa de  
stoo pover vecc, ah! (Nonno! Nonno! El m'ha faa  
giamò nonno!)

ERNESTA.

Com'è lù el sariss?...

LUIS.

Si sont so pader, cioè no, cosse disi mi adess, sic-  
come l'ha lattaa la ma povera miee... ecco per  
quell di volt el tegni... sì insomma me par finna  
ch'el sia on mè fiœeu.

ERNESTA.

Però el ved ch'el torna no. Ah, ona carrozza, ch'el  
sia lù? no l'è mè pader, per amor di Dio, ch'el  
me veda minga chi, ch'el me sconda.

LUIS.

Là, là dessorà. *(la fa montare sulla scaletta)*

SCENA XIV.

**Emanuele e detti.**

EMANUELE.

L'è torna?

LUIS.

Quell de stamattina! El sur Eugeni? minga nancamò.

EMANUELE.

In stoo cas el spettaroo.

LUIS.

Adess vemm ben! el pader de chi e la tosa de là.  
Mi credi ch'el staga via el so temp.

EMANUELE.

Perchè?

LUIS.

*(Da sè)* Chi ghe vœur ona busia. — Perchè me s'era minga ricordaa de digh che l'è andaa in campagna e nol tornarà che de chi a ona settimana.

EMANUELE.

Ch'el tornass anca de chi a on ann, mi me mœuvi pù de chi...

LUIS.

Ch'el faga come el vœur... ma ghe foo osservà...

EMANUELE.

Ghe foo osservà che ai portinar in giornada se ghe fa di quell che se vœur. *(Eugenio compare)*

SCENA XV.

**Eugeni e detti.**

EUGENI.

È vegnuu nissun?

EMANUELE.

Son vegnuu mi. Ah, la campagna l'è minga stada longa...

EUGENI.

El pader dell'Ernesta. S'el vœur restà servii, in che cossa podi avegh l'onor de servill? coss'el comanda?

EMANUELE.

Ah cossa comandi eh? le induvina minga? Comandi

ona riparazion al mè onor che lù l'ha offes, ecco quell che comandi.

LUIS.

Ona riparazion! oh pover el mè fiœu...

EMANUELE.

Lù el se introdott in casa mia, lù el se faa vorè ben de mia tosa, e profittand de la soa inesperienza l'ha portaa el disonor nella mia famiglia.

LUIS.

L'è vera, l'è vera...

EUGENI.

Sur Cont...

EMANUELE.

Ch'el cerca minga de inganamm, soo tutto.

EUGENI.

E allora ch'el parla; coss'el pretend de mi?

EMANUELE.

Lù el sa benissim che mi sont nobile e gentiluomo; el capirà che non gh'è on mezzo soll.

EUGENI.

Savaria no...

EMANUELE.

Ai curt, nun se battaremm.

LUIS.

Battes!

EUGENI.

Col pader de l'Ernesta? mai, mai.

EMANUELE.

Questa l'è ona scusa de vigliacco.

LUIS.

On vigliacco! lù... (*scaldandosi*)

EMANUELE.

Gh'el torni a ripet. Ona scusa de vigliacco, e se el gh'ha del sangu in di venn (*fa per alzare la mano*).

LUIS.

Del sangu in di venn!

SCENA XVI.

**Ernesta e detti.**

ERNESTA.

Ah papà, papà ch'el se ferma.

EUGENI.

Ernesta?

EMANUELE.

Lee chi? che la vaga subit distant de mi.; Donca el ven si o no?

EUGENI.

Le vœur propi? On moment per andà dessorà a toeu quell che me occòr e sont ai so ordin. (*via*)

LUIS.

Sur Eugeni, sur Eugeni, el me dà nanca pù ascolt, cattiv.

EMANUELE.

E lee come la fa avegh el coragg de presentass ancamò davanti ai mè œucc?

ERNESTA.

Oh papà, papà, ascoltom, sia bon! per el ben che te ghe voruu alla mia povera mamma va no, pensa che sont semper stada la toa Ernesta, la toa bonna Ernesta, che tutta la mia colpa l'è stada quella de voregh ben a on omm; che infin di cunt l'è on bravo giovin che chissà coss'el daria per podè riparà al mal faa; l'è minga per mi che te preghi, l'è per lù, per ti; va no papà.

EMANUELE.

L'è inutil, no gh'è alter mezzo.

ERNESTA.

L'Eugeni el me diseva semper che mi saria stada

la soa miece, me l'ha giuraa e l'è pront a mantegni el so giurament.

LUIS.

Sur cont, se poss ona parolla ancami; lù l'è on pader e on pader... e quand se gh'ha on cœur de pader bisogna... (*singhiozzando; a Ernesta*) Sotta, sotta.

ERNESTA.

Papà, sia bon...

EMANUELE.

Sia bon, sia bon, almen fuss minga staa... Ah! ti te pretendariet che mi avess de dagh mia tosa a on omm senza beni de fortuna, a vun che infin di cunt se sa nanca chi el sia, ch'el gh'ha minga de famiglia.

LUIS.

Senza famiglia? e chi l'è che gh'ha ditt a lù che ghe n'ha minga?

EMANUELE.

(*Senza ascoltarlo*) Ma sì, chi l'è infin di cunt stoo giovin, ch'el gh'ha nanca de nomm?

LUIS.

Com'è? alter che aveghel. El se ciama minga Eugeni?

EMANUELE.

Eugeni! bella robba ch'el me dis. Eugeni el soo an-

camì, chi l'è infin di cunt stoo giovin, chi l'è so pader?

Luis.

So pader l'è on fior d'on galantomm, l'è vun anca lù de quij che ha ajuttaa a cascìa via i todesch del quarantott, che l'è staa a Roma con Manara, che del 59 el se battuu a Montebell in la brigata Regina, che del 60 l'è staa in Sicilia, che al Volturno la ciappaa la medaja al valor militar e del 66 l'è staa ferii a Bezzecca. Cinqu campagn, e ovej hin minga ciaccier. (*mostrando i quadri nei quali ci sono i congedi*) Chi gh'è i so bravi congee, i so brevett e i so cart in regola.

EMANUELE.

Ah! ma allora l'è...

Luis.

Si sont mi, el Luis, el sciavattin, el portinar de cà Girola.

EMANUELE.

El fiœu d'on sciavattin, d'on portinar.

ERNESTA.

Ah l'aveva induvinaa, l'era tropp el ben ch'el ghe mostrava.

Luis.

Ma hoo minga de voregh ben al mè Eugeni, al mè sangu, l'è la mia vita, l'è el mè tutto; el soo ap-

penna mi i sacrificzi che hoo faa a levall; a des ann l'hoo miss in collegg; voreva ch'el diventass on sapient e per pagà la pension mi no mangiava che pan, no beveva che acqua, ma s'era felice, s'era content, s'era fiero, perchè diseva denter de mi el gh'avarà on'educazion, el brillarà anca lù in del mond.

ERNESTA.

Che bon cœur...

Luis.

Quand el gh'ha avuu 20 ann l'ha faa ona malattia, el m'è staa in lett ses mes. Per compragh i medesinn, per avegh vun di primm dottor de Milan che le curass hoo venduu tutto finna el caldar, finna i medaj, ma s'ciao mè fiœu l'è guarii e adess l'è san e robust e bravo e de coragg; e lù el voraria che mi avess de lassall andà a battes, ma nanca... El vœur ona riparazion, sont chi mi, ch'el se batta con mi, semm vecc tutt duu, la partida l'è in regola.

ERNESTA.

Papà, son chi in genceucc, te preghi ancamò in nomm della mia povera mamma, perdonegh, sia bon...

EMANUELE.

El fiœu d'on portinar!....

Luis.

Si, l'è fiœu....

## SCENA XVII.

**Eugeni e detti.**

EUGENI.

Sont ai so ordin. *(con cassetta e pistole)*

EMANUELE.

*(commosso)* Ch'el metta giò qui pistoll. Se battom pù.

ERNESTA.

Ah papà!

LUIS.

Bravo omm!

EMANUELE.

Lù el poo giuramm che nissun al mond sa che l'è so ficeu?

LUIS.

Nissun, nissun al mond, parolla de galantomm.

EMANUELE.

Ben allora acconsenti a stoo matrimoni, ma... a on patto.

TUTTI.

*(controcena come dire: che patti?)*

EMANUELE.

El m'ha de giurà che lù le lassarà per semper so ficeu.

LUIS.

Per semper? ma com'è, me le porta via?

EMANUELE.

L'è necessari. Se farà el matrimoni in campagna dove me stabilissi.

LUIS.

Vedell pù... vedell pù... ma almen ona quaj volta de scappada. Pover el mè Eugeni! Allora com'el vœur, l'è per el so ben, l'è l'ultim sacrificzi.

EUGENI.

Ah no, no papà, mi poss minga accettà ona robba simil.

LUIS.

Tas, fatt minga senti; pensa a quella povera tosa, pensa al so stât, e pœu chissà di volt che nol cambia de parer... l'è l'unica speranza che me tegnà in vita. In 25 ann hoo mai voruu che te me ciamasset papà, ma adess che te me lasset e forse per semper, dimmela, dimmela pur sta parolla, ma bass, bass, che l'abbia de senti appena al mè cœur.

EUGENI.

Papà. *(scena a soggetto)*



Luis.

E adess va... va... addio (*si baciano commossi*) Basta  
basta, se de no gh'hoo pù la forza...

EMANUELE.

(*gravemente e commosso*) Addio.

ERNESTA.

(*Gli bacia la mano di nascosto e via a soggetto*).

Luis.

(*Dopo aver visto andar via, scoppia in pianto*) E  
la colpa l'è mia, tutta mia, hoo voruu fall stu-  
dià, hoo voruu fann foera on personagg... hoo  
voruu dagh on'educazion che l'era minga del so  
stàt....

SCENA ULTIMA.

Ona **Vesina** della porta.

ONA VESINA.

(*Caccia la testa fra l'uscio*) El gh'è?

Luis.

El gh'è... el gh'è!

FINE.

## Altre pubblicazioni

dello stesso Editore

- Alfabeti Fantasia* ad uso dei Pittori, Disegnatori e Dilettanti. Elegante Album di 23 tavole contenente *Alfabeto* Biblico — Gotico arabescato — Rustico e Iniziali fantasia . . . L. 1 — H
- Corso graduato di Calligrafia*. Elegante Album di 40 tavole contenente l'Inglese la Rotonda, l'Italiana, diversi gotici e stampatelli, caratteri antichi e di Fantasia, intestazioni, nonchè la raccolta di Monogrammi, utile ai signori Ingegneri, Ragionieri, Commessi di studio, Artisti, Dilettanti, ecc. . . . » 3 — H
- DECOPPET (D. P.) L'orto in famiglia, ossia la coltivazione pratica degli ortaggi e legumi con calendario delle semine mensili. Terza edizione. Un volume in-32 con 76 incisioni . . . » 1 20 H
- Dizionario (nuovo) di mitologia*, compilato sui migliori autori. Seconda edizione. Milano 1881, un volume in-32 di pag. 320 con incisione e coperta in cromolitografia . . . » 1 — H
- GORINI (G.) Libro di storia Naturale contenente la spiegazione dei principali fenomeni della natura,

la descrizione e gli usi dei più notevoli fra essi ;  
con nuove aggiunte sulla loro origine e destina-  
zione. Un volume in-32 di pagine 320 con 50 in-  
cisioni . . . . . » 1 20 H

GORINI (G.) Manuale di Veterinaria, ossia istruzioni  
per l'allevamento, il governo, le compere, le ven-  
dite, le malattie e le cure degli animali dome-  
stici, le epizoozie, i contagi, le perizie, i rapporti,  
le frodi ed i raggiri usati nei contratti, ecc. ecc.  
ad uso principalmente del popolo delle campagne.  
Un vol. in-32 di pag. 350 . . . L. 1 40 H

— Manuale del profumiere. Trattato pratico del-  
l'arte della profumeria, contenente le nozioni sulla  
materia prima e le formole più accreditate per  
la fabbricazione delle Pomate, degli Olii, delle  
Polveri, dei Cosmetici, dei Belletti, Dentrifici, delle  
Acque aromatiche, delle Essenze, delle infusioni,  
delle Tinture, degli Spiriti, delle Pastiglie fu-  
manti, dei Sacchetti, degli Aceti e dei Saponi di  
toiletta, ecc. Un vol. in-32 di p. 350 » 1 40 H

— Manuale del Tintore e Cavamacchie, ossia l'arte  
di tingere colle antiche materie coloranti e coi  
nuovi colori d'anilina, di lavare le macchie e ri-  
pristinare i colori, desunta dai migliori e più re-  
centi trattati italiani e stranieri. Un vol. in-32,  
Milano 1875 . . . . . » 1 — H

— Nuovo Manuale del Liquorista, Confettiere e del  
Pasticciere. Seconda edizione illustrata con inci-  
sioni, riveduta e corretta di nuovissime nozioni  
pratiche per cura di V. Busnelli. Milano, 1885.  
Un vol. in-32 di pag. 350 . . . » 1 40 H

— Manuale del Cuoco, ovvero la Cucina facile ed

economica. Milano 1875. Un vol. in-32 di pagine  
190 con tavola litografica rappresentante la dis-  
sezione del bue; con coperta miniata » — 70 H

*Modelli di Calligrafia* in 30 tavole, contenenti In-  
glese, Bastarda, Rotonda, Gotici, Stampatelli di-  
versi ed una raccolta di Monogrammi. Un ele-  
gante volume, coperta a due colori » 1 20 H

*Raccolta completa di Monogrammi* indispensabile  
alle Ricamatrici, agli Incisori, Decoratori, ecc.  
Album di 40 tavole . . . . . » 3 — H

SORMANNI. Nuovo manuale del droghiere, del far-  
macista e dell'erborario, desunto dai più recenti  
e più rinomati trattati di drogheria e di chimica.  
Milano 1875, un vol. in-32 di p. 352 » 1 40 H

---

Si spedisce franco di porto contro l'invio dell'im-  
porto in Vaglia Postale intestato all'editore **Carlo**  
**Barbini**, via Chiaravalle, 9. Milano.

MILANO — CARLO BARBINI — EDITORE  
Via Chiaravalle, 9

ULTIME PUBBLICAZIONI  
DEL  
REPERTORIO DEL TEATRO MILANESE  
*a Cent. 35 al Numero.*

- 118 Meneghin Pecenna e l'Esposizione de Milan, bozzetto fantastico di G. Duroni e G. Sbodio.  
119 Indrizz e invers d'ona medaja, commedia in 2 atti di G. Duroni.  
120 El lunedì, commedia in due atti di E. Giraud. — I Arlii (I mali auguri), commedia in un atto dello stesso.  
121 L'Amis del Papà, commedia in 3 atti rappresentata in napoletano per cura di E. Scarpetta, ridotta per le scene milanesi da E. Ferravilla.  
122 Bagolamento-fotoscultura, vaudeville in un atto di N. Brianzi, musica di....  
123 Adattemes! scherzo comico in un atto di C. Monteggia, con un'aria scritta appositamente dal cav. A. Ponchielli. — Amor sul tecc, commediola in un atto dello stesso.  
124 Magg de testimoni a la cort d'assisi, intermezzo comico in un atto di Edoardo Giraud. — El Simon brumista, com. in 1 atto dello stesso.  
125 Montecarlo, commedia in 3 atti di E. Giraud.  
126 La cà del sur Pedrinett, commedia in tre atti di E. Giraud.  
127 El supplizi d'on gelos, commedia in un atto di Giuseppe Addoli. — I distrazion d'ona serva, farsa in un atto dello stesso.  
128 La messicana inviperida, com. in 2 atti di E. Giraud.  
129 I mezz calzett, comm. in 3 atti di G. Duroni.  
130 El zio commendator, commedia in tre atti di E. Giraud.  
131 Vita Perduda, Scene della vita, commedia in tre atti di E. Giraud.  
132 I foghett d'on cereghett, scherzo comico in un atto, di E. Ferravilla. Imitazione del lavoro poetico di F. Cavallotti: Il Cantico dei Cantici.

- 133 La luna de mel del sur Pancrazi, scherzo comico in un atto dello stesso. Imitazione del lavoro poetico di F. Cavallotti: La luna di miele
- 134 On spos per rid, commedia in due atti, di Edoardo Ferravilla.
- 135 Al Bus del piomb, commedia in 2 atti di G. Frasca e G. Addoli.
- 136 On spilore, commedia in un atto di Federico Bussi.
- 137 L'ombra del mort, commedia in un atto di C. Arrighi e G. Frasca. — I maggett a l'ostaria, intermezzo comico di G. Frasca, G. Addoli e C. Arrighi.
- 138 La forza d'attrazion, comm. in un atto di Cletto Arrighi. — On caprizzi, commedia in un atto riduzione in dialetto dello stesso.
- 139 El divorzi de chi a cent'ann, utopia comica di Cletto Arrighi. — I solit scenn, commedia in un atto dello stesso.
- 140 La sciora di Cameli, dramma in cinque atti di A. Dumas, ridotto in dialetto da C. Arrighi.
- 141 Marietta, la storia d'ona serva commedia in tre atti, originale veneziano di Giuseppe Ullman, traduzione in milanese di G. Stella.
- 142 L'è vun de la Questura, commedia in un atto di E. Giraud. — El Brum N. 13, commedia in due atti dello stesso.
- 143 L'ultim gamber del sur Pirotta, commedia in tre atti di E. Giraud che forma seguito all'*Amis del Papà*.
- 144 Positivismo in azion, commedia in un atto di Federico Bussi. — Duu basitt per forza, scherzo comico dello stesso. — A mont el vòt, bozzetto in 1 atto dello stesso.
145. El professor Gabola, commedia in un atto di Carlo Bonola. — Ona stanza in quatter, farsa in un atto dello stesso.
- 146 El Matrimoni del sur Giangiani, commedia in tre atti, traduzione di G. F.
- 147 El Portinar, commedia in un atto di Edoardo Giraud.

*Si spediscono franchi di porto, dietro l'importo di cent. 35 al fascicolo. — Si raccomanda la esattezza e la chiarezza nell'indirizzo.*